



**Verneområdestyret
Setesdal Vesthei,
Ryfylkeheiane og
Frafjordheiane**

Postadresse
Postboks 504
4804 ARENDAL

Besøksadresse
Setesdalsmuseet Rysstad,
Setesdalsvegen 3273, 4748 Rysstad

Kontakt
Sentralbord: +47 37 01 75 00
Direkte: +47
fmavjth@statsforvalteren.no
www.svr.no

Delegert vedtak

Rhett Karl Tønnesen
Breivevegen 131
4755 HOVDEN I SETESDAL

Arkivsaksnr: 2018/1999-0

Saksbehandler: Jørn Trygve Haug

Dato: 20.09.2022

Utvalg	Utvalgssak	Møtedato
Verneområdestyret for SVR - delegerte saker	83/22	
Verneområdestyret for SVR		

Godkjenning av inngangsparti/trapp og innvilga søknad om landingsløyve for helikopter. Gnr. 1, bnr. 7 Storhedder. Rhett Tønnesen. Bykle kommune.

Syner til søknad dagsett 7.9.2022. Vedtak og saksframstilling ligg ved.

Klage

Vedtaket kan påklagast til Miljødirektoratet. Klaga skal sendast til verneområdestyret for vidare handsaming. Klagefristen er 3 veker frå mottak av vedtaket. Alle partar med klagerett har rett til innsyn i saksdokumenta. Skrifteleg klage skal sendast til Verneområdestyret for SVR Pb. 788 Stoa, 4809 ARENDAL. Oppgi kva for eit vedtak det vert klaga på, dei endringane klagar ynskjer og grunngjeving for klaga. Dersom det vert klaga så seint at det kan vere tvil om det er klaga i rett tid, må det opplysast når brevet kom fram.

Med helsing

Jørn Trygve Haug
verneområdeforvaltar SVR

Etter våre rutinar er dette brevet godkjent og sendt utan underskrift

Kopi til:

Bykle kommune
Statsforvalteren i Agder

Sarvsvegen 14
Postboks 504

4754
4804

BYKLE
ARENDAL



Vedtak

Med heimel i kap. 4. pkt. 1.3 bokstav c i *Forskrift om vern av Setesdal Vesthei - Ryfylkeheiane landskapsvernområde*, får Rhatt Tønnesen gnr. 1, bnr. 7 i Bykle kommune løyve til å behalde delar av veranda/platting på sørsida av hytta som tilkomst/trapp inn i hytta. I høve til skisse omtala i saka må 5,5 meter av veranda på sørsida av hytta fjernast. I avgjersla vert det lagt vekt på at dette gir ei praktisk løysing med greitt utsjånad, samstundes som det ivaretek dei pålegg som tidlegare er gjeven.

Frist for retting er tidlegare sett til 24.4.2022. Det varslast difor om pålegging av tvangsmulkt etter naturmangfaldlova § 73 om ikkje attverande rivingsarbeid er utført og dokumentert med bilete innan 30.10 2022.

Med heimel i kapittel IV pkt. 5.4.c i *Forskrift om vern av Setesdal Vesthei - Ryfylkeheiane landskapsvernområde* får Rhatt Tønnesen løyve til landing med helikopter til frakt materiale og utstyr i samband med rivingsarbeidet på hytta ved Storheddervatn gnr. 1, bnr. 7 i Bykle kommune. Løyvet gjeld for inntil tre landingar i perioden 1.10 – 30.10 2022. Godkjend flygerute og landingspunkt i verneområdet er teikna inn på kartet i vedtaket.

Vilkår:

- Flyginga mellom landingspunkta skal skje etter kortaste rute
- For å redusere forstyrring av bufe, vilt og fotturistar, skal helikopteret ikkje flyge lågare enn 300 m over bakken mellom landingspunkta
- Om det blir observert villrein innanfor ein avstand på 400 m. frå landingspunktet skal landing utsettast til faren for forstyrring er over.

Godkjend flygerute og landingspunkt:



For landing med helikopter vil det i mange høve også vera naudsynt med løyve etter *Lov om motorferdsel i utmark*. Søknad om dette må sendast kommunen.

Etter § 10 i *Lov om motorferdsel i utmark* kan grunneigar nekte landing på sin eigedom. Om du skal lande på andre sin eigedom oppmodar vi difor om at du hentar inn samtykke frå aktuelle grunneigarar.



Saksopplysninger


Rhett Tønnesen gnr. 1, bnr. 7 i Bykle kommune vart i styresak 38/19 dagsett 13.12.2019, pålagt å rive delar av bygningsmassen kring driftshusværet ved Storheddervatn i *Setesdal Vesthei Ryfylkeheiane landskapsvernområde*. Konkret gjaldt det riving av platting/veranda føre hytta, badestamp og tilbygg ført opp på vestsida av hytta. Frist for riving vart sett til 24.4.2022. Av vedtaket gjekk det fram at det kunne tillatast trapp som tilkomst inn i hytta men at dette måtte søkast om særskild. Det same gjaldt bruk av motorisert køyretøy (snøscooter eller helikopter) til naudsynt frakt i samband med rivingsarbeidet.

Verneområdestyret sitt vedtak vart seinare stadfesta av Miljødirektoratet i vedtak dagsett 11.1.2021, med unntak av veranda/platting mot vest som kunne behaldast då det var uklart om dette var ført opp før eller etter vernetidspunktet.

Rhett Tønnesen har i søknad dagsett 7.9.2022 søkt om godkjenning av skisse til trapp/inngangsparti, samt tre landingar med helikopter i perioden 1.10 – 30.10 til frakt av utstyr for å gjennomføre arbeidet. Flygerute er Harteavatn – Storheddervatn.

Skisse over inngangsparti går fram av teikning nedanfor. Delar av verandaen på sørsida av hytta behaldast slik at denne kan fungere som inngangsparti.

Skisse inngangsparti sendt inn av søker:



Bilete 1 – 3 nedanfor syner hytta slik ho er i dag. Bileta er sendt inn av eigar 11.8.2022. Bilete 4 er teken 2.7.2019 og syner situasjonen før det vart starta riving.



Bilete 1



Bilete 2



Bilete 3





Bilete 4



Formell bakgrunn for vurdering og vedtak

- Forskrift om vern av Setesdal Vesthei-Ryfylkeheiane landskapsvernområde av 28.04.2000
- Naturmangfoldloven
- Forvaltningsplan for verneområda i Setesdal Vesthei, Ryfylkeheiane og Fráfjordheiane frå 2015.
- Vedtak i verneområdestyret 5.11.2018, sak 32/18, om delegering av saker til forvaltningssekretariatet

Heimelsgrunnlag

Setesdal Vesthei - Ryfylkeheiane landskapsvernområde vart verna ved Kronprinsregentens resolusjon av 28. april 2000. Føremålet med vernet er etter kapittel III i Føreskrift om vern av Setesdal Vesthei- Ryfylkeheiane landskapsvernområde:

1. Å ta vare på eit samanhengande, særmerkt og vakkert naturområde med urørte fjell, hei og fjellskogsområde med eit særmerkt plante- og dyreliv, stølsområde, beitelandskap og kulturminne.
2. Å ta vare på eit samanhengande fjellområde som leveområde for den sørlegaste villreinstamma i Europa.

Etter verneforskrifta kap. 4 pkt. 1.1 er det forbod mot oppføring av bygningar, anlegg og faste innretningar. Etter verneforskrifta kap. 4 pkt. 1.3 bokstav c kan forvaltningsstyresmakta på nærare vilkår gi løyve til mindre tilbygg til eksisterande bygningar. Ein føresetnad er at det ikkje strir mot verneføremålet.

Motorisert ferdsel i Setesdal Vesthei - Ryfylkeheiane landskapsvernområde vert regulert av verneforskrifta kapittel IV kapittel 5.1.a kor det heiter at motorisert ferdsel på land er forbode.



Etter kapittel IV pkt. 5.4.c kan det gjevast løyve til naudsynt luft og snøscootertransport for transport av materialar, brensel, utstyr og proviant til hytter og buer.

Vurdering

Vurdering etter naturmangfaldlova (NML)

Etter § 7 i Naturmangfaldlova skal dei miljørettslege prinsippa i §§ 8 til 12 i naturmangfaldlova leggst til grunn som retningsliner ved utøving av offentleg myndigheit. Forvaltingsmyndigheita må ved alle tiltak som vedkjem naturmangfaldet vurdere søknadane etter desse paragrafane. Prinsippa i §§ 8 – 12 er grundig omtala og vurdert i handsaminga i verneområdestyret 18.9.2019. Forvaltar syner i sin heilskap til desse.

Godkjenning av inngangsparti (trapp)

Som nemnd aksepterte verneområdestyret at det etter søknad kunne godkjennast trapp som inngangsparti til hytta. I klageavgjersla frå Miljødirektoratet fekk eigar løyve til å behalde verandaen på vestsida av hytta.

For avgjerse i saka må ein syte for at vedtaket vert i tråd med tidlegare pålegg. Etter forvaltar si vurdering er det no søkt om å behalde meir av verandaen på sørsida enn det Miljødirektoratet la til grunn. Forvaltar syner her til bilete 2 ovanfor som syner at verandaen på vestsida stoppar ved skøyt/vinkel midt i bilete. Å behalde fire meter av denne ref. skisse ovanfor er også noko anna enn ein trapp slik verneområdestyret opna for.

Det bør kunne akseptast å behalde ein mindre del av verandaen/plattingen på sørsida slik at det også gir tilkomst til verandaen på vestsida av hytta, og slik at stein/fjellnabbe ref. bilete 4 kan fungere som trapp opp. I høve til skissa som er sendt inn må då platting/veranda på sørsida av hytta reduserast med minimum 50 cm. Dette gir vert ei praktisk løysing samstundes som det vurderast å ligge innafor handlingsrommet i dei tidlegare vedtaka. Med ei slik løysing vil også terrenget i forkant av verandaen dempe innsynet inn under hytta.

Forvaltar vil minne om at frist for gjennomføring av rivingsarbeidet for lengst er overskride. Det varslast difor om pålegging av tvangsmulkt etter naturmangfaldlova § 73 om ikkje attverande rivingsarbeid er utført innan 30.10 2022.

Søknad om landingsløyve for helikopter

Det er søkt om tre landingar i perioden 1.10 – 30.10 til frakt av utstyr i samband med rivingsarbeidet. Søkar har tidlegare fått innvilga 5 landingar i perioden 15.7 – 15.8. 2002 knytt til same føremål. Det er rimeleg å måtte ha nokre landingar for å få slutført arbeidet. Med totalt åtte innvilga landingar sidan 15.7 vurderast dette å vera tilstrekkeleg til å få slutført arbeidet. Det kan ikkje påreknast å få innvilga fleire landingar til dette føremålet.